




## ՀԱՆՈՒՆ ՀԱՎԵՐԺ ԽԱՂԱՂՈՒԹՅԱՆ

Հունիսի 10-ին, հինգշաբթի օրը, ժամը 16-ին, Երևանում, Արտասահմանյան երկրների հետ բարեկամության և մշակութային կապի կոմիտեի դահլիճում, տեղի ունեցավ մայրաքաղաքի հասարակայնության ժողովը՝ Խաղաղության համաշխարհային խորհրդի Ստոկհոլմի մոր կոչը ստորագրելու համար: Ստոկհոլմի մոր կոչը ջերմ արձագանք գտավ մահ Հայաստանի աշխատավորության շրջանում:

Խաղաղության համաշխարհային խորհուրդը Ստոկհոլմի առաջին կոչի 25-ամյակի առթիվ հունիսի 2-ին ընդունել էր Ստոկհոլմի մոր կոչը, որով դիմել էր աշխարհի հասարակայնությանը՝ ծավալելու համաժողովրդական գործողություններ հանուն երկրի վրա կայուն և տևական խաղաղության, հանուն սպառազինությունների մրցավազքի դադարեցման, հանուն միջուկային զենքի և մասսայական ոչնչացման զենքի մյուս բոլոր տեսակների արգելման, հանուն ընդհանուր և լրիվ զինաթափման, հանուն միջազգային լարվածության թուլացման, որպեսզի ստեղծվի մոր տնտեսակարգ, կառուցվի ավելի արդար և մի մոր աշխարհ:

Ժողովին ներկա էր մահ Հայոց Հայրապետը: Նորին Սրբությանն ուղեկցում էին Մայր տաճարի լուսարարապետ տ. Հուսիկ եպս. Սանթրույանն ու «Էջմիածին» ամսագրի խմբագիր Արթուր Հատիսյանը:

Սույն ժողովին ներկաները ջերմորեն ընդունեցին Խաղաղության համաշխարհային խորհրդի Ստոկհոլմի մոր կոչը, որը հրապարակվեց ժողովում:

Այնուհետև սույն կոչի պաշտպանությամբ հանդես եկան մայրաքաղաքի հասարակայնության ներկայացուցիչներ, գիտնականներ, մտավորականներ, արվեստագետներ, շինարարներ, բանվորներ, որոնք վճռականորեն պահանջում էին դադարեցնել սպառազինությունների մրցավազքը, արգելել միջուկային զենքի բոլոր տեսակները և մասսայական ոչնչացման մյուս

միջոցները, որպեսզի մեկընդմիջոք բացառվեն պատերազմների ծագման հնարավորությունները:

Ժողովում ճառով հանդես եկավ նաև Հայոց Հայրապետը, Որին բոլոր ներկաները ողջունեցին ջերմ ծափահարություններով:

«Այսօր մենք հավաքվել ենք ողջունելու Խաղաղության համաշխարհային խորհրդի Ստոկհոլմի կոչը, որը նոր կարևոր քայլ է համայն աշխարհում խաղաղության համար պայքարի գործում: Մենք լավ հիշում ենք Ստոկհոլմի նախորդ կոչի մեծ ներգործությունն աշխարհի ճակատագրի, մարդկանց մասսայական ոչնչացման ստոմային զենքը արգելելու, խաղաղության, զինաթափման և այլ հարցերում, որոնց լուծումով շահագործված են աշխարհի բոլոր ժողովուրդները: Ահավասիկ մի նոր կոչ, որն ուղղված է սպառազինությունների մրցավազքի կանխմանը մարդկության կյանքից ճնշման ու շահագործման, սովի ու աղքատության իսպառ բացառմանը: Սովետական Միությունը, որը խաղաղության համաշխարհային շարժման ամենահզոր դրոշակակիրն է, աներեք կանգնած է խաղաղության դիրքերում, անում է ամեն ինչ, որպեսզի չմթագնի ժողովուրդների երջանկությունը, որպեսզի չկրկնվեն երկրորդ համաշխարհային պատերազմի ողբերգությունները»:

Այնուհետև ժողովի մասնակիցները՝ գիտության, գրականության, մշակույթի գործիչներ, ինժեներներ, բժիշկներ, մանկավարժներ, բանվոր-ծառայողներ, մամուլի աշխատողներ, ուսանողներ, խանդավառությամբ իրենց ստորագրությունները դրեցին Խաղաղության համաշխարհային խորհրդի Ստոկհոլմի նոր կոչի տակ:

Սույն կարևոր փաստաթղթի տակ Իր ստորագրությունը դրեց նաև Հայոց Հայրապետը, ինչպես նաև Նորին Սրբությանն ուղեկցող տ. Հուսիկ եպս. Սանթրույանը և Ա. Հատիտյանը:

